

conformem Sophiarum et Irionum verarum (Irionum enim pars ad Pachypodium transibit) ad Descurainiam avocare maluimus, genus, ob sectionis Sophiæ siliquas abbreviatis, et radiculam sæpius vix dorsalem, non longè à Nasturtio removendum.

*SECT. I. IRIO.*

*SILIQUÆ elongatæ, subcylindraceæ. STYLUS brevissimus. DISSEPIMENTUM enerve. HERBÆ foliis, subintegris runcinatis, aut lobatis, pilosis, pilis simplicibus.*

*DESCURAINIA IRIO. NOB.*

D. glabra; foliis lyrato-pinnatis, lobo ultimo elongato; siliquis angustis, elongatis, obtusiusculis.

Irio Apulus alter levi folio Erucæ. *Column. Ephr. tab. 265.*

Sisymbrium Irio. *Linn. Sp. pl. vol. 2. pag. 921. Jacq. Fl. Aust. tab. 322. Engl. Bot. tab. 1631. DC. Syst. vol. 2. pag. 467. Prod. 1. pag. 192.*

HAB. In insulis Canariis *ex Link in Buch Beschreib. Can. Ins. pag. 152.* In castanetis super oppidum Laguna. *Buch l. c. pag. 176.*

DISTRIB. GEOG. Herba ruderalis orbis antiqui, ab Ægypto usque in Scandinaviam protusa.

*SECT. II. SOPHIA.*

*SILIQUÆ subtetragonæ, sæpius abbreviatæ. STYLUS subnullus. DISSEPIMENTUM subbinerve. HERBÆ aut suffrutices, foliis pinnatisectis, pilosis, pilis stellatis.*

*DESCURAINIA MILLEFOLIA. NOB.*

D. caule frutescente; foliis tenuissimè sub-4-pinnatisectis, pinnulis ovatis, cano-tomentosis; petalis repandis, calyce majoribus; siliquâ subcylindraceâ, falcatâ, nervo medio prominente, lateralibus interruptis, et in venulas abeuntibus.

Sinapis millefolia. *Jacq. Coll. vol. 1. p. 41. Ic. rar. vol. 1. tab. 27. Poir. Encyc. vol. 4. pag. 321.*

Sisymbrium millefolium. *Hort. Kew. ed. 1. vol. 2. pag. 391. ed. 2. vol. 4. pag. 114. Poir. Encyc. vol. 7. pag. 201.*

